

**Barang naik: 'Tak kena masa'**  
**Malaysiakini.com**  
**July 17, 2010**

Masyarakat menunjukkan pelbagai reaksi terhadap kenaikan harga barang "5 dalam 1" semalam, termasuk ramai yang belum terasa kesannya dan sebahagian lagi menganggap ia dibuat tidak kena pada masanya.

Dalam temubual semalam, kesemua responden di sekitar Bangsar mengaku terkejut dengan langkah mengejut kerajaan itu tetapi beranggapan kehidupan mereka sekarang tidak terjejas.

"Kenaikan lima sen harga petrol bukan beban besar pada orang awam sekarang," kata seorang pegawai kerajaan Hasnulhasi Yasin, 33.

Pengedar minuman Mohd Sofian dan pemilik restoren Mohd Iqbal menegaskan walaupun harga gula naik, harga barang-barang lain akan kekal sama.

"Saya tak rugi akibat kenaikan harga gula. Tetapi keuntungan mungkin kurang sedikit," kata Mohd Iqbal.

Bagaimanapun, ramai juga tidak bersetuju dengan tindakan kerajaan itu kerana ia tidak kena pada masanya.

"Harga naik kerana keranaan terlalu selesa sekarang, tetapi sekarang bila keadaan bertukar kepada paling buruk, mereka akan turunkan harganya kembali, kata pelajar berumur 22 tahun Vivekananda Sukumaran.

Copyright © 1999-2007 Mkini Dotcom Sdn. Bhd.  
Source : <http://www.malaysiakini.com/news/137599>